



ATA OFISIAL DI KUMITÉ SKULAR DI BOSTON FORSA TAREFA DI ADMISONS NA SKOLAS DI IZAMI

tersa-fera, 16 di Marsu di 2021

Forsa Tarefa di Admisons na Skolas di Izami Escolar di Kunité Skular di Boston rializa um reunion rimotu na dia 16 di Marsu di 2021, 17:00 na Zoom. Pa mais informason sobri qualquer di itens listados abaxu, visita <https://www.bostonpublicschools.org/esataskforce>, email feedback@bostonpublicschools.org o tchoma pa Escritório di Kunité Escolar di Boston pa (617) 635-9014.

PRIZENSA

Menbrus di Forsa Tarefa di Admisons na Skolas di Izami Prizenti: Ko-Prizidenti Michael Contompasis; Ko-Prizidenti Tanisha Sullivan; Samuel Acevedo; Matt Cregor; Tanya Freeman-Wisdom; Katherine Grassa; Zena Lum; Zoe Nagasawa; Rachel Skerritt; Rosann Tung; y Tamara Wait.

Menbrus di Forsa Tarefa di Admisons na Skolas di Izami Auzenti: Acacia Aguirre.

Pesual di BPS Prizenti: Monica Roberts, Xefi di Gabinete di Prumuson di Studanti, Famíliya y Kumunidade; y Monica Hogan, Diretora Izikutiva Sénior di Gabinete di Dadus y Prestason di Kontas..

DOCUMENTOS APRESENTADOS

[Ajenda](#)

[Ata di Riunion: kuarta-fera, 10 di Marsu di 2021](#)

[Aprizentason: Admisons Skular Siletivu: Opons di diversidadi](#)

XAMADA A ORDEN (Abertura FORMAL)

Sr^a. Parvex fazi xamada. Sr^a. Aguirre staba auzenti. Sr. Acevedo txiga na reunion menus di un minutu dipos di xamada. Dr^a. Tanya Freeman-Wisdom txiga na reunion ku sinku minutu di atrazu. Tudú kes otu menbru staba prizenti.

Sr. Contompasis da inisiu a riunion. É anunsia ma staba dispunivel servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunés, Mandarin, Purtugés, Somali, Árabi, y Lingua Jestual Amerikanu (ASL); interpretis aprizenta y es da instrusons na sis lingua nativu sobri manera di asesá interpretason simultaniu através di mudansa di kanal di Zoom.

APRUVASON DI ATA DI RIUNION: kuarta-fera, 10 di Marsu di 2021

Apruvadú– Forsa Tarefa aprova pa unanimidadi ata di riunion di kuarta-fera, 10 di Marsu di 2021 Riunion di Forsa Tarefa di Admisons na Skolas di Izami.

APRIZENTASON

Mr. Contompasis aprizenta y é agradisi aprizentador di noti, Dr. Sean P. Corcoran, Profesor Asusiadu di Pulitikas Publiku y Idukason na Peabody College, Universidadi di Vanderbilt. Dr. Corcoran é autor di un studu di admisons na skolas sikundáriu spesialisadu na Sidadi di Nova York (NYC) txomadu "Pathways to an Elite Education ("Kaminhus pa un Idukason di Eliti"): Application, Admission, and Matriculation to New York City's Specialized High Schools." (Aplikason, Admison y Matrikulason na Skolas Sikundáriu Spesializadu di Sidadi di Nova York")

Aprizentason di Dr. Corcoran foi "Admisons na Skolas Siletivu: Opsions di diversidadi". É furnesi un sturial sobri diferentis rason pa izistensia di skolas sikundáriu ku admisons siletivu. É aprizenta diferentis kritériu utilizadu pa admison, y tipus di priuridadi di admison. É splika modi ki skodja di kritérius di admison sta rilasiunadu ku diversidadi y riprezentason y é da izenplu di skolas sikundáriu silesiunadu y spesialisadu na Nova York, skolas di izami na Boston, y skolas spesializadu na Chicago. É insera aprizentason ligandu kada un di kritérius di admison a objetivus di diversidadi y é diskuti próy y kontras di kada un di kritérius.

Sr^a. Sullivan konbida menbrus pa fazi purguntas. Sr^a. Skerritt purgunta sobri métudu olistiku pa admisons y si ta izistiba grandis distritu ki tinha admisons subjektivu a nivel distrital. Dr. Corcoran rispondi ma tudu métudus olistiku di admison ke konxeba era baziadu na skola y nau na distritu. Sr. Acevedo kria sabeba modi ki era prusesu kumunitáriu na Chicago antis di sis reformas di admison. Dr. Corcoran rifiri a un rilatóriu di Century Foundation ki podia djudaba; Sr. Cregor mensiona ma Forsa Tarefa sa ta kontaktaba Century Foundation pa obten más infurmasons sobri diferentis skolas. Sr^a. Tung purgunta si ta izisti sertus tipus di testi ki ta ser utilizadu ki ta rizulta nu kunprimentu di más kritérius di diversidadi, y si tinha algun distritu ki ka ta uza testis pa sis skolas sikundáriu siletivu. Dr. Corcoran rispondi ma é ka ta konsigiba pensaba na ninhun skola sen testis, akrisentandu ki, ku bazi na si simulason, ta tinha un midjor rizultadus mudandu pa un avaliason a nivel statal en ves di testis voluntáriu. É akrisenta ma el é a favor di ritira pesa voluntáriu na rializason di testis. Sr^a. Grassa purgunta sobri formas altirnativu di avalia alunus sen teni un disvantajen o vantajen pa alunus spisifiku. Dr. Corcoran fla ma txeu skolas na NYC ta uzaba formas altirnativu, ma komu ta trata di un sistema más disentralizadu é más difisil odja dadus subjasenti ki ta entra na disizons di admison. Sr^a. Lum purgunta si tinha algun méritu na investiga kel ki ta entra na kadeia di admisons. Dr. Corcoran rikunhesi ma era un

pesa inpurtanti y é fala sobri inpurtansia di ten oportunitadís dispunivel pa tudu alunus desdi tenra idadi.

Sr. Contompasis purgunta si sistema di niveis di Chicago tinha rizultadu nun aburdajen satisfatóriu. Dr. Corcoran fla ma é ka ta atxaba ma tinha tidu txeu mudansa na klasifikason pa niveis y ma es divia staba satisfetu. Sr^a. Nagasawa purgunta sobri un kumentáriu di ki Chicago pudia aumentaba diversidadi sen riduzi siletividadi ku pikenus ajustis. É kria sabeba kal ki era kes pikenus ajustis. Dr. Cocoran splika ma maioris alterason tinha sidu utilizason di antisidentis individual di alunus. É splika alguns di fatoris ki pudia funsionaba kontra sistema di niveis, sima jentifikason. Sr^a. Tung purgunta-l si é konxeba otus distritu ta uza avaliason di MAP y kal ki era rizultadus. Sr^a. Hogan rispondi ma Chicago, Nashville, y Kansas City, tudu es uza avaliason MAP.

Sr^a. Sullivan purgunta si BPS sa ta bai trabadjaba ku NWEA pa dizenvolvi un avaliason ki stivesi alinhadu ku kurikulu di BPS. Sr^a. Hogan rispondi ma ka tinha sidu spisifikamenti konsebedu pa Boston, ma ki era un testi adaptativu di konputador. Sr^a. Grassa fla ma testi sta alinhadu ku padrons stadual inxinadu na BPS, y nau ku kurikulu. É akrisenta tanbe ma era utilizadu pa fins di avaliason pirformativu. Sr^a. Sullivan fla ma maiuria di distritus tinha un testi padrunizadu o algun otu forma di avaliason pa stabelesi adikuason akadémiku.

Sr. Contompasis agradisi Dr. Corcoran pa si aprizentason y é rikumenda un trabadju di investigason ki pudia ser di interese pa Forsa Tarefa: *Racial Diversity and Measuring Merit (Diversidadi Rasial y Midison di Méritu : Evidence from Boston's Exam School Admissions* by Rucinski, M., & Goodman, J. (*Provas di Admisons di Skolas di Izami di Boston* pa Rucinski, M., & Goodman, J.) (en brevi).

KUMENTÁRIU DI PUBLIKU EN JERAL

- Sharon Hinton, mai y idukadora di Hyde Park, tistimunha sobri audiensia na tribunal, di sensibilizason pa involvimentu di kumunidadi, y vos di alunus.
- Somy Kim, pai di Mattapan, Mildred K-8 and Boston Latin Academy, tistimunha a favor di kritérius di kódigu postal na prusesu di admison.
- Edith Bazile, mai di Dorchester, tistimunha a favor di mudansa na prusesu di admison.
- Darragh Murphy, rizidenti na Dorchester y difensor di kumunidadi tistimunha kontra kritérius di kódigu postal pa admison.
- Sarah Zaphiris, mai di West Roxbury, tistimunha a favor di testi MAP.
- Sarah Grandfield, rizidenti na West Roxbury y es-aluna di BPS, tistimunha kontra kritérius di kódigu postal pa admison.
- Domingos Darosa, rizidenti na Hyde Park y es-alunu di BPS, tistimunha relativamenti a kualidadi di idukason pa tudu alunu y a favor di un sistema ibridu pa admison.
- Joy McDonald, pai, tistimunha kontra kritérius di kódigu postal y a favor di un pulitika di admison transparenti.
- Nancy Minucci, rizidenti na South Boston graduadu na BPS, tistimunha sobri si

frustrason ku prusesu.

- Jess Madden-Fuoco, rizidenti na Hyde Park, pai di Hernandez, y Treinador di Altu Transformason Instrusiunal na Inglés, tistimunha en apoiu a mudansa na prusesu di admison.
- Elaine Conroy, mai di West Roxbury, tistimunha kontra kritérius di kódigu postal y a favor di un idukason di kualidadi pa tudu algen.
- Phuong Nguyen, pai di Dorchester, tistimunha kontra kritérius di kódigu postal.

KUMENTÁRIUS FINAL

Sr^a. Sullivan pidi menbrus pa fazi kumentáriu final. Sr. Acevedo insentiva pesoas ki tistimunha pa presta tistimunhu pa skritu. Sr^a. Skerrit pidi Forsa Tarefa pa konsideraba dizafius di sta na sigundu anu di pandimia. Sr^a. Tung sulisita ki menbrus obtivesi kes dos artigu mensiunadu pa Dr. Corcoran. Sr^a. Lum kria sabeba si skolas di Chicago y di NYC ta indikaba ma diskrepansias na testis ka era tantu grandi sima na Boston y si kes fatoris ta bai serba konsideradu pa menbrus.

Ms. Sullivan lenbra menbrus ma es sa ta bai tinha peritus y oradoris ta papia sobri prusesus di admison siletivu na otus partis di país. É fla ma, dipos di obi kumunidadi, é fika priokupadu ku infurmasions inkuretu ki podia ser divulgadu na kumunidadi sobri atual pulitika di admison na skolas di izami. É inkuraja BPS a sklaresi infurmasions sobri pulitika tenpuráriu. É manifesta priokupason di ki dizinfurmasion podia dividiba kumunidadi y kuloka un grupu rasial kontra kel otu, y é infatiza inpurtansia di iduka kumunidadi n aprusesu tenpuráriu. É ripiti ma, si objetivu komu ko-prizidenti é ka pirmiti pa divizion instala na Boston.

Sr. Contompasis fla ma é staba inkumudadu ku pusibilidadadi di ten konfuzon sobri rikumendasons. É ta kriditaba ma kualker ki fosi rikumendasons fetu, kumunidadi divia staba sienti di rikumendasons antis des ser aprizentadu a Kumité Skular. Sr^a. Sullivan insentiva kumunidadi a utiliza periudu di kumentáriu publiku pa fazi Forsa Tarefa rikumendasons pulitikas konstrutivu. Fazendu referensia a un orador publiku, Sr. Contompasis fla ma ka era funson di Forsa Tarefa furnesi un atualizason sobri prusesu judisial pendentí. Sr^a. Sullivan konkorda y é lenbra publiku ma inkargu di Forsa Tarefa staba spisifikamenti rilasiunadu ku ilaburason di un novu pulitika di admison permanenti. Sr. Acevedo sujiri kriason di un fixa infurmativu sobri natureza di si trabadju ki ta sklaresesi faktus. Sr^a. Sullivan agradisi aprizentador, publiku, y interpritis.

INSERAMENTU

Pa volta di 19:10, Kumité vota pa unanimidadi, pa xamada numinal, inseramentu di riunion. Atestadu:



Lena Parvex
Asistenti Administrativu